


30

CHINESE-JAPANESE COLLECTION
HARVARD COLLEGE LIBRARY
FROM HARVARD-YENCHING INSTITUTE
SEP 15 1933

T 9297.1100 B3



玉海卷第三十三

浚儀王應麟伯厚甫

聖文

御書

伏羲龍書

神農穗書

少昊鸞鳳書

堯龜書

韋續字源云包犧氏獲景龍之瑞始作龍書炎帝神農氏因上黨嘉禾八穗乃作穗書用頒時令黃帝因卿雲見作雲書堯因靈龜負圖作龜書少昊作金天鸞鳳書高陽氏製科斗書亦見墨菽書斷

哈佛大學漢和圖書館珍藏印

夏禹螺書 禹碑綠字

文粹崔融碑曰於鑠大禹顯允天德龍畫旁分螺書

徧刻韓愈詩岫嶠山尖神禹碑科斗拳身薤葉披

鸞飄鳳泊拏虎螭劉禹錫詩嘗聞祝融峯上有神

禹銘晉志禹受綠字墨藪夏后氏作鍾鼎書

書新書注神龜負文列於背禹第之成九類淳

化法帖有禹書真誥三皇之世演八會之文為龍

鳳之章雲篆之跡文房四譜黃帝得玉一紐治為

墨海上篆文曰帝鴻氏之硯衡山記甘泉東有石

壁禹所刻文在此

碑書曰

漢高祖手勅

隋志總集梁有漢高祖手詔一卷古文苑漢高

祖手勅太子韓王信傳上賜信書責之

漢武帝賜淮南書

見詔策

漢寶附

見器物類墨藪鶴頭偃波書詔板所用漢尺一之

簡是也蚊脚書上詔板也

漢光武賜方國手迹

循吏傳以手迹賜方國者皆一札十行細書成文勤

約之風行於上下、隗囂傳帝報以手書、公孫述傳帝與述書、又下詔喻述曰、詔書手記不可數得、

唐真草書屏風

會要正觀十四年四月二十二日、太宗自為真草書屏風、以示羣臣、筆力遒勁、為一時之絕、初募求人、間書尺、真行二百九十紙、裝為七十卷、草二千紙、裝為八十卷、每聽政之暇、則臨看之、嘗謂朝臣曰、書學小道、初非急務、時或留心、猶勝弃日、凡諸藝業、未有學而不得者也、病在心力懈怠、不能專精耳、今吾臨古人書、殊不學其形勢、唯在求其骨法、及得骨力、而形

尚書

勢自生

張懷瓘

還連鳳

唐太宗飛白詔

先作意是以果能成也、又見傳制曰、煙霏露結、狀若斷而而反、直心慕手追、此人而已、

權德輿

者正觀

翦之執

白、稽合

十八年

以改

記曰、太宗文皇帝飛白書十二句、五十五字、

十六年、答左衛騎常侍劉洎之詔也、縹緲鴻

經濃、蠅翼之狀、子教白而不飛、子雲飛而不

衆美、裁成絕、藝書圃之逸品也、通監正觀

四月、洎上書、上飛白、答之曰、今聞讜言、虛懷

萬曆癸亥

梁武謂蕭子雲曰蔡邕飛而不白羲之白而不飛

顏師古聖德頌磔硤新勢奮發奇鋒李嗣真曰飛

白猶煙空灼灼霧縠卷舒鮑照飛白書魏銘起工

心法盡奇六文鳥企龍躍珠解泉分珪角星芒明麗

屬逸絲紫髮垂平理端密君子品之是寧神筆唐

李約飛白贊曰蕭子雲始變蔡張二王飛白古法又

作小篆飛白性建業古壁餘此蕭字崔備蕭字雲張

王繼作子雲精極翻飛露白乍輕乍濃浮雲委地游

鸞素空煙霧交霏蚪鸞飛動李嶠賀見御書表究

黃帝鳥迹之巧彈紫府結空之勢偃波垂露會實意

而成新半魄全曦象天形而得妙蘇軾作文同飛

白贊曰霏霏若輕雲之蔽月翻翻若長風之卷旆荷

荷若游絲之縈裏裏若流水之舞天聖四年錢惟

演為飛白書序錄一卷劉劬飛白書勢曰素幹冰

鮮蘭墨電掣直准箭馳屈擬蠖蟄

唐正觀飛白書飛白扇

會要太宗攻羲之書尤善飛白帝王隸書又好飛白

正觀十八年二月十七日辛酉召三品以上

賜宴于元武門太宗操筆作飛白書羣臣乘酒就太

宗于中相競散騎常侍劉洎登床引手然後得之莫

不得者咸稱洎登床罪當死請付法太宗笑曰昔聞
好筆今見常侍登床是年五月五日太宗為飛
白書作鸞鳳蝶龍等字筆勢驚絕謂司徒長孫無忌
吏部尚書楊師道曰五日舊俗必用服翫相賀今朕
各賜君飛白扇二庶動清風以增美德劉洎上書
曰紆寶思於天文則長河翰映摘玉筆於仙札則添
霞成采固已毫拂素紙舉鸞驚之句岑文本述飛白
書勢詩有飛 閣有唐太宗元宗墨迹

唐太宗賜馬周飛白書

馬周為中書侍郎正觀十八年表八月遷中書令太
宗以飛白書賜之曰鸞鳳冲霄必假羽翼股肱之寄
要在忠力 太宗嘗体日羣臣各有其詞

唐太宗筆法

文房四譜唐太宗筆法云攻書之時當收視聽絕慮
怡神心正氣和則契於元妙 墨數正觀六年正月
八日整理御府書鍾王等真跡得一千五百一十卷

唐李靖家藏高祖太宗詔書 太宗手墨

李靖傳五代孫彥芳太和中為鳳翔司錄參軍家故
藏高祖太宗賜靖詔書數函上之一曰兵事節度皆

付公吾不從中治也一曰有晝夜視公疾大老嫗造來吾欲熟知公起居狀皆太宗手墨他大略如此文宗愛之不廢手

其舊物有佩筆以木為管劉金其上別為環以限其間筆尚可用也靖破蕭銑所賜于闐玉帶十三夸七方八刃各附環以金固之所以佩者又有火鑑火觴筆囊等物常佩于帶者天子悉留禁

中詔本還賜彥芳并束帛衣服物權德輿嘗讀太宗手詔至流涕曰君臣之際乃爾耶 韋端符記曰文帝賜書二十通多言征討事 太宗製魏證碑文并御筆書石

唐龍朔與遼東諸將書

會要龍朔二年四月上自為書與遼東諸將謂許敬宗曰許圜師嘗自愛書可於朝堂開示圜師見而驚喜私謂朝官曰圜師見古跡多矣魏晉以後惟稱二王然逸少少力而妍子敬妍而少力今觀聖跡兼絕二王鳳翥鸞迴實古今書聖

唐高宗賜侍臣飛白書 贊

戴至德傳為宰相咸亨中 實錄咸亨五年八月戊寅朔 高宗為飛白書賜侍臣賜同東西臺三品戴至德曰汎洪源俟

舟楫同東西臺三品郝處俊曰飛九霄假六翮同中書門下三品李敬元曰資啓沃罄丹誠中書侍郎崔知悌曰竭忠節贊皇猷皆見意於辭又書隱士田游巖宅傍其門

崔知悌傳與戴至德郝處俊李敬元等同賜飛白

書贊而知悌敬元以忠勤見表議者以戴郝寬厚而李崔忠勤故帝以此

言褒美冠六文而首出掩八體而孤騫眇乎若游霧

之拂春林靄乎似輕雲之上秋漢李嶠謝飛白飛

白始於蔡邕待詔鴻都撰聖皇篇見役人堊帚因成

字邕之後有張敬禮備盡其妙王僧虔曰是八分之

輕者創法於八分窮微乎小篆

唐御書集賢院額

王維素有謝表云陛下發求書之使置寫書之官九

流百家韋編緗袞爛然虎觀盛彼鴻都自連銀鈎俯

題金榜龍騰金榜鳳轉銀鈎張說謝御書大通禪

師碑額狀云畫起平雲點蹲芒玉戈矛攢倚鸞鶴交

飛其碑在尚文台州桐栢觀碑元宗御書額天寶元年五月加天寶寺上

額自傳云上集賢注記開元二十六年十二月御書

開元觀寺額今集賢州天寶元年五月加天寶寺上

改題姚崇碑元宗御書張說銘云灑恩仙翰鏤澤

額自傳云上

豐珉帝令頗軫仙毫特紆鐫金刻石鳳篆龍圖又

握乾符頌曰文含玉律字吐銀鈎

明皇雜錄拾遺

祭字進龍池篇其詞甚美上為八分書賜岐王王因

製龍池曲以其篇為樂章一崔澄傳元宗以謹密字

親書笏端一王君奭傳詔張說刻文墓碑帝自書以

寵之一行傳上為一行製碑文親書於石司馬

子微傳元宗為親製碑文元宗題張說父碑額曰

積善謝表曰墳鳳書旌墓御書盧懷謹碑題韓思

復碑曰有唐忠孝韓長山大相國寺先天中御書

題榜孝經序寫之琬琰庶有補於將來五色牋

八分書學士贊

御書刺史詩二傑詩

並見上

手

寫六條

見六典

開元以降御題碑榜標桐柏以尊

道揭麗正以崇儒

顏真卿請肅宗題放生池碑額

德宗正元四年八月御書章敬寺額

順宗善隸

書穆宗問柳公權筆法對曰心正則筆正帝悟其

以筆諫宣宗御筆題崔氏德星堂僖宗光啓元

年書孫氏書樓帝中第一

王僧虔對齊高帝

五

色絲綸九霄雨露符載

舞鳳回翔於懷袖飛龍顧

盼於縑紉元稹謝御札

唐明皇書道德經

萬曆十七年

二五二

監生黃汝極

祥符三年十月巳巳王貽慶獻明皇所書道德經
九域志亳州有道德經碑明皇書

開元間書六大字賜醴陵縣登真宮太宗時取閱而
還之又賜御書飛白字張說謝示金字八分道經

曰天毫發彩太平興國三年正月丁酉潭州輦送
唐元宗所書道林寺王喬觀二碑

楊子曰聖人肆筆而成書漢元帝善史書應劭注
史籀大篆宋高祖縱筆為大字一字徑尺一紙不

過六七字章帝好杜度草書因名章草章帝賜
韓稜寶劍自手書其名後漢姜肱傳注引謝承書

靈帝手筆下詔

魏揚阜傳天子感其忠言手筆詔

谷 梁武帝評書從漢末至梁有三十四人

建隆御札

三年二月二十三日內出御札曰渴聽讜言庶臻治

道今朝臣以次轉對太祖御書大宋一統賜王溥

乾德親郊御札

元年八月一日庚辰內出御札以十一月十六日甲

有事南郊開寶五年八月李符為京西轉運書李

符到彼似朕親行賜之揭于大旗符條奏便宜百餘

其四十八事施行著于令紹興十六年四月十四

日修武郎張燕上太祖御書一卷賜帛 洪适進太

祖御筆六卷 親征澤潞有賜孝明皇后御札 天禧

四年二月光祿丞沈惟温故相倫之孫獻太祖與倫

御書十六日賜進士出身 宣和四年三月五日幸

祕省上親出建隆真跡詩帖數幅於是羣臣始識藝

祖書又出太宗真仁宗翰墨至神考書孟子章句上

曰此藩邸所作也

雍熙草書

雍熙二年出御草書謂宋琪曰朕聽政之外未嘗書

寢讀書寫字自得其趣正書之外草書飛白尤愛臨

御書

學雖非帝王事業但遊畋聲樂性所不好宮中釋悶

惟書籍筆札而已琪曰陛下躬親庶務固前代所未

有又讀書染翰無有弃日信聖心務學之至也嘗夜

召書學葛湍問徐鉉草書如何湍曰鉉留心籀篆不

聞草聖上曰鉉嘗見朕書否湍曰臣僚非詔賜無由

得觀上喜於軸中出御草書二紙曰一以賜汝一以

賜鉉 太宗實錄 興國中王著習羲獻草隸擢為侍

書 趙壹曰草書之興其於近古乎 書斷曰草書

之先因於起草杜伯度章帝所好作章草書

雍熙賜近臣詩 草書扇

生
刑
三法卷三十三
十
雍熙二年五月癸亥賜近臣御製五言詩草書扇各一又草書李白廬山瀑布詩共二十幅分賜之 摘藻尺素之上弄翰團扇之中

雍熙賜宰臣飛白書

雍熙三年十月丙申朔上出飛白書一軸賜宰臣李昉等曰朕退朝之暇未嘗虛度光陰觀書之外嘗留意於真草近又學飛白書此雖非帝王事業然不猶愈於遊畋聲樂乎昉等頓首謝

雍熙書六韜兵法 平戎陣圖

雍熙四年五月以北虜未服召北面諸將田重進潘

御書

美崔翰及殿前劉延翰對于便殿上訪以禦戎備邊之策延翰曰臣等皆鷹犬之才奉指蹤之命猶懼不給破虜之策惟聖心裁處上因手書六韜兵法將有五才十過之說以賜之庚寅又內出平戎陣圖指畫卷舒進退號令出沒以賜

端拱書急就章賦

魏丕以黃州刺史來朝召對便坐太宗賜以御書急就章朱邸集 端拱二年七月丙戌以御書急就章藏於祕閣急就章者漢黃門令 史游之所作也帝留心字學先是下詔求前賢墨跡有以鍾繇書急就

章為獻字多踏駁上親草書一本藏於祕閣仍刻石
分賜近臣太宗實錄起居舍人宋惟幹獻御草書
急就章賦太宗命以一軸賜之

淳化祕閣御書 十二部御書

淳化元年七月內降御草書詩十首故實二紙又出
御製四十一卷藏於祕閣 太宗嘗書於龍鳳花牋
上及紈扇上以賜王公近臣嘗出飛白書四字占四
幅廣袤數尺先以一幅賜宰臣呂端俄而樞密趙鎔
相繼進帝曰昔聞劉洎登床信有之矣上筆法英異
學無不成親製真定王趙普碑并御八分書篆額多

御書

士稱為三絕題相國寺及上清宮額筆力精密曉書

法者皆歆服有趙州隆平簿王著唐相方慶之後善行草書

興國七年六月甲戌以為翰林侍書始置御書院嘗遣中使王仁

睿持御札示著曰未盡善也上臨學益勤又示著著
答如初久之復示之著曰功至矣非臣所能及及仁睿
問其故著曰帝王始學書或驟稱善則不復留心矣
祥符元年二月戊戌真宗語其事以為善規益

又選趙七人待詔翰林故有三體書八分故事六

十三卷兩韻詩十卷草書急就章二卷千字文二卷

孝經一卷賞花釣魚詩一卷雜草書五十三卷飛白

六十九卷八分千文二卷行書祕閣贊三卷五體書

四體書各一卷合二百九卷為十二部藏祕閣

淳化書紅綾扇 飛白書

淳化元年四月辛亥上親草書飛白書紅綾扇賜宰相樞密使翰林學士尚書丞郎兩省給舍以上各一
 三年五月丁酉上親草書紅綾扇賜宰相李昉等各
 一五年五月戊寅賜近臣御飛白書各一軸庚辰初
 伏上親書紅綾扇賜近臣各一一本云三年五月甲
 午朔文德殿百官入朝上親書綾扇賜近臣李昉等

王元之謝賜御書紅綾扇上草書趙嘏絕句詩表
 曰絳綃半幅霞舒舞鵠之紋宸翰三行雲遶回鸞之
 勢宮中刀尺翦雲霧於赤城筆下風雷走龍蛇於碧

御書

落堪咲二王非墨妙筆精之作如逢伯禹得金簡玉
 字之書太宗又嘗草書紈扇作古詩賜諸將王昭
 遠等言多比諷又賜何承矩御書前後凡五十餘軸
 又面付手札寵之又嘗賜戴興以玉篇唐韻御飛白
 書三十卷張洎謝賜八分表曰念次仲之遺範采
 元帝之名家古文變體之後唯此書并大小篆與時
 偕行况仙毫揮洒體備剛柔犀利譬長劔之倚天壯
 觀類洪河之紀地潤澤如春雲之出岫明媚若曉漢
 之橫空祥符元年二月戊戌王欽若曰近日四方
 之人工習筆札由太宗精書翰所致五代有朝體書

絕無楷法今則盡學鍾王歐柳之蹟矣上曰大宗筆法復出今古

淳化新校御書 聖翰讚

淳化二年閏二月戊寅秘書監李至進新校御書三百八十卷上從容謂之曰人之嗜好不可不謹人君當淡然無欲勿使嗜好形見於外則奸佞無自入焉朕他無所欲但喜讀書多見古今成敗善者從之不善者改之至拜舞稱賀 四年閏十月二十四日右諫議大夫張泌獻聖翰讚及以行草篆書寫御製詩詔除史館脩撰

御書一

淳化賜飛白玉堂書 三體書 賜詩

四體書

淳化二年十月辛巳翰林承旨蘇易簡獻續翰林志二卷詔藏於史館仍賜御書二章以寵之批紙尾云意美卿居清華之地也又飛白玉堂之署四字以賜易簡因謂宰相曰易簡告朕求此數字可召至中書授之他日為翰林中美事因賜李昉等草書各一幅作真草行三體凡五十一字 十一月戊午易簡上言

願以上所賜詩刻石上為真草行三體書各一本命待詔吳文賞模勒刻石以賜易簡仍以百本分賜近

臣十二月巳卯易簡受詔以上三體書石本遺秘書
監李至等三館學士凡二十五人皆上表稱賀范杲
獻王
謹辛卯易簡於本院會學士韓丕畢士安李至楊徽
之梁周翰柴成務呂佐之錢若水王旦潘謹修王著
呂文仲等觀御飛白玉堂之署四字并三體書詩石
上聞之賜上尊酒大官設盛饌至等各賦詩以紀其
事宰臣李昉等亦有詩易簡編次以聞上謂李昉曰
易簡以卿等詩來上斯足以見儒墨之貴學士之榮
也別錄一本進入因以詩賜易簡其字以素緞書之
徑二尺餘觀之曲盡神妙明道二年八月辛亥詔學

御書

七院以四字刻石景祐元年五月甲申學士院上石
本賜待詔以下器幣至紹聖初翰林承旨建言因令
撥取玉堂二字揭之上牌日錫燕近臣識者謂不當
以前代殿名皇朝寶札揭之於臣下止息之地紹
興中御書玉堂二字賜周麟之見後徽宗御書摘
文堂書目天聖四年錢惟演為飛白書叙錄一卷
首錄太宗御書帝王名臣飛白以次編記又有禁林
宣文會集一卷

淳化草書飛白賜近臣

淳化二年草書飛白簇賜近臣上謂之曰夫欲學書

當須澄神靜慮。具在筆端。方臻其要。飛白近少習者。朕因得一古飛白障子。倣而書之。盡用筆之法。古人書札之妙。上聖之人。有能窮其理。是知筆札至難。

淳化飛白秘閣

淳化三年五月甲寅。詔增脩秘閣。八月壬戌。秘閣成。帝作贊。賜之秘書監李至上表。引顏真卿題放生池碑額。近翰林學承旨蘇易簡乞御飛白。王堂之署。爲比。乞御書新額。以光秘府。翌日戊辰。詔中書樞密院近臣觀新閣。又賜上尊酒。太官供膳。是日遣中使齎御飛白書。秘閣二字。以賜李至。李昉等相率稱謝。退。

御書

就宴。三館學士預焉。又賜御詩。以美其事。李至上表。請以御製刻石。詔贊并序。朕爲親書。并篆額。以旌秘府。淳熙九年。知福州汝愚得飛白秘閣字碑本於州治止戈堂。知寧國府陳騫得御製書贊序碑本於昭亭山上之祕府。如鳳之舞。如龍之從。如月蔽雲。如旂卷風。纖而不晦。穠而不豐。奇古迭出。變通不窮。淳化秘閣碑陰書孝經。

淳化三年十月癸亥。以御書千字文。遣中使李懷節。付祕閣。李至請於御製祕閣贊碑陰摹石。上曰。千字文。蓋梁武得鍾繇書。破碑千餘字。俾周興嗣次韻而

成非垂世立教之言。孝經百行之本。朕當躬書勒之。碑陰仍賜至以詔書諭旨。龜飾厥趺龍跪其顏。孔言曾行炳丹青而燦星日。

淳化帝王名臣法帖

四年四月。先是求先賢墨跡。擇其善者為歷代帝王名臣法帖十卷。命工勒石。丙戌賜近臣。帝王法帖始於漢章帝。晉武帝書。

淳化八分書千字文

淳化四年四月丙戌。內出御八分書千字文。賜宰臣李昉以下各一卷。三年九月己未。上草書千字文。

御書

賜近臣各一本

淳化書大言賦

淳化四年八月丙辰朔。上草書宋王大言賦。賜翰林承旨蘇易簡。易簡名近列同觀。因擬宋玉作大言賦。

以獻其詞曰。皇帝書自能。賤作大言賦。賜玉堂臣易簡。御筆煌煌。聖詞洋洋。瓌璋特達。不可備詳。因伏而奏曰。恨宋玉不與陛下同時。帝曰。噫。何代無人焉。卿為朕言之。易簡因為大言賦曰。聖人興兮。告成功登。崑崙兮。展升中。上覽賦嘉賞。詔褒之。又草書勸百。海二詩賜之。

淳化書印紙

淳化五年五月庚午，上臨軒親選郭玘等四人，並為常參官，仍給印紙。今滿秩日，自賫於御前，較其課最。戊寅，上自書一幅，曰：「公務刑政，惠愛臨民，奉法除奸，方可書為勞績。」又別書二十餘幅，賜大理正平玘等人。一通皆京朝官之選也。召知審官院錢若水，曰：「奉法除姦之語，恐不曉者，因而生事，可語之。」曰：「姦之要在乎姦法，時被選者二十餘人，而知崇州李處己首預獻詩，陳所以感遇之意。」八月庚寅，帝親書紙尾曰：「虛己學士，入官崇觀，事王奉書為郡知。」恩

奉上欲布新規，朕已得良二千石矣，乃賜五品服。命儒臣閱所批，詔兼賜五十萬錢。後下衣通判宣州廉幹，聞亦預焉。四年七月，飛白書向敏中、張詠姓名，付宰相曰：「此名臣也。」己酉，命為密學。御筆題其姓名，曰：「真鹽鐵陳恕。」
雍熙四年三月庚辰，詔知州通判給御前印紙。又見考課。查道通判遂州，出御書曆，俾錄其課，給以實奉。凌策通判定州，賜御書曆。

淳化賜近臣飛白書 至道

淳化五年五月戊寅，賜近臣飛白書各二軸。十一月丙辰，賜近臣御飛白書各一軸。別賜參政寇準飛白

草書十八軸。先是宰相呂蒙正等皆已得賜。準出使在外。至是始及焉。上因謂呂蒙正曰：書札者六藝之一也。固非帝王之事。朕蓋聽政之暇。聊以自娛耳。至道二年五月丙午。上飛白書數幅。以示近臣。字皆廣袤盈尺。先賜宰相呂端一幅。侍臣因競前爭取。上曰：劉洎登床。正如此矣。六月甲戌。上遣使賞飛白書二十軸。賜端等人五軸。又以四十軸藏於祕閣。字皆方數尺。端等詣便殿稱謝。上謂之曰：飛白依小草書體。與篆書不同。朕君臨天下。復何事於筆硯乎。中心好之。不能輕棄。歲月既久。遂盡其法焉。實無假日召

翰林書數十。盡對便殿課習。鍾玉雜體。

淳化祕閣草書

淳化五年六月己酉。命內供奉官盧敏正。賞御草書五軸。藏祕閣。詔史館修撰張佖。與三館祕閣學士觀焉。

至道書上清宮額

至道元年正月丙辰。新作上清宮。成。御書額。以金填。其字賜之。車駕臨幸。謂近臣曰：造此祠宇。為民祈。二年五月壬寅。相國寺三門成。上親書額。金填字。賜之。

至道草書經史故事

至道元年六月戊戌上草書經史故事三十紙詔翰
 芬侍讀呂文仲一一讀之因刻石以數百本并祕閣
 官吏姓名付內侍裴愈令於江東名山福地道宮佛
 廟各藏三五本或高逸不仕池獲有行好古博雅三
 州里所稱者分以賜之會要 先是六月乙酉遣書
 愈往江南求圖籍 淳化五年十一月丁卯令中館

德討前代宰相舉官故事上因書孫叔敖故事為一
 幅以賜呂蒙正蒙正等退而各舉所知 祥符二年
 十月癸巳對輔臣崇政殿出太宗御書故事皆有龍

太宗御書曲禮

見後類

咸平龍圖閣太宗御書目錄見觀書

至道三年六月乙未真宗詔以先帝御書墨跡賜天
 下名山勝境九月戊寅賜曲阜文宣王廟十一月癸
 未詔所藏太宗御書委官吏檢校

景德龍圖閣太宗御書 咸平龍圖閣觀
 太宗草行飛白書

見觀書類

景德校勘新寫御書

元年三月丁酉直祕閣黃夷簡等上校勘新寫御書
凡上萬四千一百六十二卷賜錢帛有差校勘官劉
等六人授校理先是詔流內銓取選人內及第無
逆者以名聞命陳恕楊億試之凡七人於崇文院校
勘太官供膳踰年乃畢而有是命當入校書類

景德大清樓觀太宗聖製御書天禧附

四年三月乙巳召輔臣對於苑中水閣臨池垂釣
以資太清樓命內臣啟局鑰觀太宗聖製御書及新
寫四部羣書上親執目錄令黃門舉其書示之

宗聖製詩及故事墨迹三百七十五卷文章九十二

卷經庫二千九百十五卷史庫七千二百四十五卷子

庫八千五百七十一卷集庫五千三百六十一卷四

部書共二萬五千九百九十二卷長編太清樓藏太宗

御製及墨迹石本九百三十四卷勅四部羣書二萬

三千七百二十五卷與此不同其後羣書增及一萬

一千二百九十三卷太宗御集御書又七百五十二

卷

祥符太宗御札

祥符二年四月己酉內出太宗御札二十六卷

臣皆上在宮邸時所賜令錄付修國史院六月己亥
內出太宗賜呂端上官正手詔付脩國史院

祥符內出太宗御書御製

二年十月癸巳內出太宗聖製歌詩御書故事皆有
鑒戒對輔臣崇政殿西廡示王旦等曰此先帝未才
人所藏近者上進十一月甲寅遣使以太宗御製御
書各六十二卷賜輔臣人一本皆未嘗勝於外者後
數日又出太宗鑲文紅管筆三年十二月以太宗御
書一百軸賜交州李公蘊從其請也

祥符太宗鑲文紅管筆

祥符二年十一月丁巳內出太宗鑲文紅管筆御製
十二管分賜王旦以下人一雙因謂王旦等曰先帝
聽政之暇常以觀書及攻筆法為意每見諸家字體
精妙無不學者舉之必成旦等曰先帝筆法其與非
人臣所及如侍書王著有名於時然望先帝甚遠上
曰著於侍書待詔中善規益亦無其比朕頃在東宮
侍先帝嘗見學鍾繇書或至夜分或自夙興手不釋
筆會要

祥符國子監御書閣

五年九月辛巳國子監請建閣奉藏太宗御書從之

明年三月辛丑閣有赤光上燭六月己巳閣上梁
近臣臨觀帝作七言詩賜之又賜二帝御集御書亭
本詔王曾記之會要祥符七年三月文武百官表
請赴國子監觀太宗御製御書及聖製御書刻石從
之先是帝以太宗御製御書并帝所製祥瑞論勤政
論俗吏辨為君難為臣不易論崇儒術論五篇藏于國
子監監之官屬乞建閣以安之又輔臣言乞以聖製
刻石于閣下至是始成因求觀長編七年四月
已群臣詣國子監觀太宗御書及新刻御製辯論家
宴本監寄軸星繁璣玉立歲支文錄世異重

熙舜典為謨事殊繼志

祥符太宗御書法帖 賜筆

五年十一月丙辰內出新編太宗皇帝御集及御書
法帖凡十五部總三百三十六卷示輔臣上曰太宗
學由天縱屬思援翰必極精妙王旦曰以文章化人
成俗由太宗始也五代以來筆札無體鍾王之法幾
絕太宗留意翰墨斷行片簡傳之於外則爭求之自
是學者書體丕變聖教之至也上曰太宗所用筆亦
與人間不同顧向敏中丁謂曰卿等未嘗見咸再拜
陳乞翌日命賜之人一雙太宗御草孝經一卷刻

石祕閣法帖十二卷小字法帖一卷古詩一卷敬鐘
繇言一卷草書筆法一卷草書故事急就千文等為
卷軸三十一八分書故事千文為卷二飛白書為軸
者七四體書五體書大字各一卷已上刻石御書院
墨蹟雜書四千八百九十四卷冊御製四千十六卷
冊古詩故事墨蹟一千六百七十一卷雜書扇百二
十六刻石雜書八百十八卷御製七百九十三卷古
詩故事刻石雜書四百五十二軸分藏於龍圖閣太
清樓祕閣御書院
刻石雜書三百四十七卷七百五
十二軸賜名山寺觀中外臣僚并兗州文宣王廟

祥符先猷殿太宗皇帝御書 天禧天章

閣御書

祥符八年四月丁卯詔王清昭應宮奉安太宗御製
御書殿名先猷其御製御書殿名繼文 即迎禧迎祥

殿 天禧二年正月壬寅具鈞容清衛樂奉安太宗
文集于先猷殿翌日奉御集安于繼文殿五年三月
召輔臣觀御書于龍圖閣四月以御書石本為九十
編藏天章閣

祥符景靈宮御書

七年七月二十八日輔臣請御書真遊殿額從之

九年四月丁丑御書景靈宮天興殿保寧閣巳亥有
 司奉御書兗州景靈宮太極觀額上作七言詩 紫
 殿琳庭琅函綠蘊

玉海卷三十三終

玉海卷第三十四

浚儀王應麟伯厚甫

聖文

御書

三朝寶字

胡宿代中書密院謝賜三朝寶字訓鑒圖表神毫英
 發繪事昭陳裁決繁機奮耀英斷書鳳紙之尾摘犀
 管之英墨寶相輝神鋒迥拔居然鸞鵠之翥蔚有龍
 虎之威留聖思於勒成命侍臣而類次形於方版之
 鏤參諸設色之明序以宸章置之禁坐

乾興飛白書 天聖賜飛白書

乾興元年三月丙子賜輔臣御飛白書各一軸初上未嘗為飛白書一日見飛白筆遂取試書其體勢遒勁有如夙習因以分賜焉十二月甲辰親書唐賢詩分賜天聖元年九月戊寅召輔臣於崇政殿西廡觀馮元講論語仍賜御飛白書三年四月己未賜輔臣御飛白書人十軸仍刻石賜近臣四年五月庚辰以端午賜輔臣御飛白書羅扇各二中書樞密五年三月辛酉賜輔臣御飛白書九年閏十月戊辰二十四日知兗州孫奭辭曲宴大清樓召晁迥與會賜飛白書人一軸

迥與呂夷簡張耆及奭別賜大字四軸

曰乾文綺粲睿筆鸞迴文皇鳳字近愧於

穗書遠慙於逸品宜登冊府永冠書林

天禧中仁宗在東宮賜張士遜十二字曰

弼予一人又曰日新其德蘇軾為頌二篇又以中

遜

天聖書古詩 乾興書唐賢詩

見講禮記 見講論語

天聖賜中書樞密飛白扇

筆法字

見乾興飛白書 皇祐三年十月丁丑

二字賜講讀官各一軸時趙師民歸青

皇祐以後每歲重午節必賜飛白書扇

夏竦觀飛白有輕素飄吹長煙疊空及

句帝宸翰道逸筆勢有法飛白尤為妙筆

天聖賜進士中庸

天聖五年四月辛卯賜進士王堯臣等

林苑中使賜御詩又人賜御書中庸篇

遂以為常初上欲賜中庸先命中庸錄

宰臣張知白進讀至修身治人之道必

上傾聽終篇始罷是歲進士三百七十

元年四月乙卯賜新第張唐卿詩及中

德合如何

慶曆二年四月己亥又賜楊真

四月戊子馮京御詩及中庸五年四月

嘉祐二年四月乙亥賜章衡四年四

輝

天聖織成飛白字圖 飛白

篆碑額

五年九月癸卯召輔臣至崇政殿西廡

書賜織成御飛白字圖己酉召輔臣觀

孝寺崇真殿榜於承明殿崇真殿者直
十一月戊戌上親篆慈孝寺碑額夏竦
慶曆五年十二月庚申以寶相佛閣
飛白書榜賜之

天聖賜進士大學篇

天聖八年四月丙戌賜進士王拱辰宴
中使賜御詩及大學篇各一軸自後登筮
行或中庸大學篇 寶元元年四月甲午
聞喜宴于瓊林苑賜御詩及大學 慶曆
丁丑賜賈黯等 嘉祐六年四月丁丑

後民等同上

天聖龍圖閣天章閣觀三聖御書 賜飛

白

八年八月丁亥召近臣宗室龍圖天章閣觀二聖御
書又詔觀瑞穀於元真殿命從臣賦詩賜御飛白書
字各一軸遂宴藥珠殿壬辰幸瑞聖園觀刈穀燕從

臣

天聖太清樓賜近臣飛白 又見上

九年閏十月二十四日戊辰宴近臣于太清樓

樓門內
錢翰林學士孫奭知兗州又召

太子少保致仕晁迥初與侍講邇英至前世成敗之際未嘗不反覆諷規每至見仁宗必優禮之亦惻然任乃對承明殿慰諭與以年老因請泣下上亦惻然詔與馮元講老子三章各賜帛二百疋以不得請求近郡拜工部尚書知兗州七月癸酉詔頒宴而行又留之數月乃特宴太清樓近臣及太子少保晁迥預上作飛白書大字以賜二府而小字賜諸學士獨與迥兼賜大小字群臣即席賦詩又別出禁中珍器賞之翌日與八謝又命講老子賜襲衣金帶鞍馬

以行封表

賜之安瑞聖園上既賜詩又詔近臣皆賦

詩送之

至和中書待詔李用卿撰飛白三百點以

進自謂窮盡物象上乃特為清淨二字賜之其六點

尤奇絕

皇祐二年雲臺觀道士元亨進歌詩三篇

帝屬以詩又飛白清淨字賜之劉子儀建閣藏所

賜書上為飛白書曰真宗聖文祕奉之閣

景祐篆律準

見中什類

御書慶基殿

景祐二年二月戊寅御書奉先院宣祖神御殿榜為

慶基殿

仁皇下議樂之詔以考鍾石之和置寫書

之官以綴經墳之學

寶元紫微閣御篆

寶元元年七月庚戌作舍人院閣上親篆其榜曰紫微閣以賜之 夏竦詩曰右省層楹建西清寶字宣神明還藻畫法象出奎躔 元祐中劉攽請復建紫微閣于西

寶元五年御書

寶元賜輔臣飛白書 二年十一月二日已丑遣內侍就輔臣第賜御飛白書各一軸次日輔臣張士遜等入謝奏曰陛下萬機之煩翰墨不倦神筆奇奧曠古未有上曰朕聽政之暇無所用心以此自娛耳

康定賜翰林飛白書

御書

康定二年六月二十八日以飛白文詞字賜翰林侍讀李淑出守許州為飛白寶章記摹石州解 至和元年九月王洙為學士仁宗嘗以塗金龍水牋為飛白詞林二字賜之

慶曆寶奎殿御書 摹太宗御書

大相國寺額太宗御書也

至道元年五月重修大相國寺廣殿庭門廊樓閣凡

四百五十五區御題額

慶曆元年八月甲申上謂輔臣曰近初

一小殿禁中而有司過去侈麗不欲毀其成功今大

相國寺方營殿藏太宗御書寺額可遷置之呂夷簡

因言陛下孝以奉先儉以率下聖人之盛德也二年

正月辛未詔以大相國寺新修太宗御書殿為寶奎殿摹太宗御書寺額于石上飛白題之命宰臣呂夷簡撰記章得象篆額樞密使晏殊撰御飛白書記翔於螭首潤雲霧於翠珉龍二月庚寅又以鍼灸圖石壁堂為仁濟殿前是咸平六月甲辰車駕幸五年名後閣曰資聖

慶曆邇英閣御書 各邇英聖問

四年二月己卯上御邇英閣出御書十二軸凡三十
五事一曰遵祖宗之訓二曰奉真考之業三曰念祖宗艱難四曰思祖宗愛民五曰守信義六曰不巧詐

御書曰

七曰親碩學八曰精六藝九曰謹言語十曰敬耆老
十一曰崇靜退十二曰求忠正十三曰懼貴驕十四
曰保勇將十五曰尚儒術十六曰議釋老十七曰重
良臣十八曰廣視聽十九曰功無迹二十曰戒喜怒
二十一曰明功媚二十二曰杜希旨二十三曰從民
欲二十四曰謹滿盈二十五曰傷暴露二十六曰哀
鰥寡二十七曰訪屠釣二十八曰講遠圖二十九曰
絕朋比三十曰斥諂佞三十一曰察小忠三十二曰
監迎合三十三曰約己為民三十四曰損躬撫軍三
十五曰求善使過又出危卒諭一篇述居高謹危之

意願侍臣丁度等曰朕取臣僚上書及進對事目有
可施於政治者書以分賜卿等度暨侍講曾公亮楊
安國王洙等既拜賜因請注釋其義上許之丙戌丁
度等上答邇英聖問一卷即所注釋三十五事也儒
家邇英聖覽十卷其序曰伏奉宣示御書十三軸仰窺
聖旨皆陛下上念祖宗下思政治述安危成敗忠邪
善惡之事詢謀下臣使進裨補敢不竭愚切思自古
求治之主靡不欲興理道安邦國納忠直退奸邪廣
聰明成功業然行此數者在明與成斷耳明則不惑
威則善柄斷則能行總是三者守而勿失非聖人孰

能爲之臣等嘗讀唐書見憲宗英悟留心庶政宰臣
陳說政事必反覆詰問既盡其理則曰凡事言之則
易行之則難卿等既爲朕言則當行之勿空陳而已
李絳對曰非知之艱行之惟艱天下之人從陛下之
所行不從陛下之所言惟願每言則必行之憲宗深
所嘉納今臣等親承聖諭敷明治要亦願陛下日與
輔臣舉此事目推而行之毋使唐之君臣專美前代
也上覽之終篇指其中體大者六事付中書樞密令
奉行之景祐二年正月癸丑置邇英延義二閣
元祐六年三月一日庚申御邇英閣呂大防奏曰仁

宗所書三十六事禁中有否上曰有大防請圖寫置坐隅以備親覽從之大防又言危竿論一事在三十

五事之前仁宗進用大臣欲更天下之治數開延閣以訪先務又降神翰以督施為

慶曆崇政殿賜飛白書
仁宗御崇政殿策賢良方正太常博士錢彥遠等

實錄慶曆六年八月癸亥策試賢良并試武舉賜宰

臣賈昌朝等洎從臣御飛白書人一幅一云彥遠上所對策命宰相讀之因有是賜

辭上以錢氏自鏐已來世効臣順問其家傳鐵券晦

知河中府錢晦入

御書

并三朝御書以進皆親識其未還之因戒以陝西民困為朕愛撫飛白安民二字以賜皇姪宗望獻所為文賜全監書又以金泥文羅御書好學樂善字賜之第中建御書閣上為題其榜年月未詳書博學二字賜翰林學士楊億

慶曆崇政殿觀御書
延和殿觀御書

六年八月丙寅御崇政殿召近臣觀御書八年九月

己亥御延和殿召輔臣觀御書

慶曆飛白開先殿榜

六年八月乙亥太平興國寺重修太祖神御開先殿

正德二年... 卷三十四... 九... 一... 皇祐元年... 成上飛白書榜十月己酉奉安太祖御容庚戌酌獻

慶曆飛白端敏二字 文儒字

慶曆中仁宗以飛白端敏二字飛白筆一賜太子太

傅王舉正蘇軾記之八年三月書文儒二字賜學

士張方平 慶曆中 盛夏飛白書團扇為和平字賜

趙師民 賜遼使劉六符飛白書八字曰南北兩朝

求通和好 飛白書博學二字賜侍讀學士張錫

飛白直清二字賜任布 飛白帝筆二字賜向傳

範 飛白千歲字賜太傅張士遜士遜進歌一章二

年八月 清忠二字賜王德用 以塗金紋羅書曰

李昭亮親賢動舊以賜 晏殊得龜龍二字 紹興

六年十一月二十五日王洙孫楚老上慶曆皇祐御

札手詔飛白賜銀帛百

皇祐飛白天性字

皇祐元年三月十五日飛白天性字賜端明殿學士

李淑時帝以御書賜近臣淑方侍養遣使就第賜之

三年三月丁丑飛白書賜講讀官各一軸 皇祐以後

重午必賜飛白書扇

楚建中得飛白帝字

皇祐篆明堂

二年九月二十一日乙巳上將祀明堂太常禮院言
大慶殿為明堂即明堂及門當為殿榜如黑繒金書
為明堂字殿門榜加朱繒黑字為明堂之門四字於
禮為便上謂輔臣曰二榜當親書是日上於禁中服
靴袍篆明堂二字飛白明堂之門四字自晝逮夜半
而畢詔宣示群臣榜于門大享禮畢藏宗正寺又詔
模刻二榜為副本頒于二府及近侍被錫者皆謂不
世之遇中外榮之

長編九月庚子揭御篆飛白

歸

田錄明堂額御篆以金填字門牌亦御飛白神翰雄
偉勢若飛動餘詩云寶墨飛雲動金文耀日晶謂二

牌也

歐陽脩所作

元絳詩曰堯章架雲漢羲畫露

乾坤日字光芒動奎鉤氣象温

紹興元年九月十

一日進士黃朝美上仁宗御書明堂牌碑本詔藏於
祕府壬寅進呈上曰已別書六字

皇祐篆牌額

皇祐中王子融以唐明皇所題裴耀卿碑額上進仁
宗遂賜其兄曾碑曰旌賢又親篆寇準碑曰旌忠自
王曾至程琳賜碑額者二十二人 英宗二人賈昌
朝宋庠 神宗五人韓琦至曾公亮 哲宗二人富
弼司馬光 徽宗二人 欽宗一人

篆鳳延鸞珍圖祕刻

皇祐賜飛白

五年九月甲戌皇姪宗懿上飛白大字十軸初宗懿進飛白書上賜更切進學飛白四字至是再上之

皇祐書銅鼎鸞刀

五年九月戊寅鑄鼎十有二天地圓丘用五宗廟用七又作鸞刀郊廟各一先是賈昌朝侍經筵帝問鼎卦聖人亨以享上帝今郊何以無鼎遂命阮逸胡爰鑄銅鼎制鸞刀帝親書鼎名曰牛鼎羊鼎豕鼎皆書而刻之鸞刀亦親書刀名而書之有司皆篆刻其下

御書

劉敞獻鸞刀銘四章

準進鼎頌

皇和寶章閣兩朝御書

嘉祐迎陽門觀

御書

皇和初五臺山真容院修殿藏太宗真宗御書二年

二月丙申賜名寶章閣嘉祐二年六月癸亥御迎陽

門召迎臣觀御書五臺真容院寶章閣榜三年七月

二十四日壬辰御迎陽門召宰臣以下觀御書妙法

正覺殿額次赴天章閣觀御書

皇和飛白書

皇和二年二月辛丑召近臣觀飛白鳳翔上清宮榜

于迎陽門。嘉祐四年正月，上賜近臣墨字，以稽古
二字為勳。聖帝之揮千奇為巧，親作飛白侍
臣縱覽，心合造化，生成筆端，書幅逾百，大均寵放。
仁宗遣使賜賈昌朝三聖御書，凡百八十七軸。陳
師道、仁宗御書後序，神文好飛白書，時一為之，以俟
其好。將相宗戚家有藏焉，會法而忘世，會理而忘法。
所謂有其道而進於技者，王者之於藝，蓋如此。仁
宗賜文彥博御書，元豐六年十二月二十九日，彥博
言以卷軸甚大，建閣奉安。仁宗作飛白書答契丹
宗真，蔡襄知開封，賜以御書。賜允弼飛白二字。

宗室從古善書，仁宗屢以御詩及白賜之。叔
魚好學飛白，好學字賜之。又賜宗懿御飛白十一
軸。

嘉祐御書文宣王廟榜

見觀御書門。御篆文宣王廟門并殿牌，張師中進
奎文光魯頌六年三月乙酉，召輔臣觀之，命內侍劉
溫良賚往交州。

嘉祐寶文閣飛白書 龍圖天章閣觀三

聖御書

嘉祐七年十二月丙申

王珪序

幸龍圖天章閣召輔

臣侍從諫官御史管軍臣僚觀三聖御書又幸寶文閣親為飛白書群臣搢笏以觀命學士王珪各題歲月及所賜臣僚名又出御製觀書詩賜韓琦以下令屬和以進遂宴群玉殿復詔珪撰詩序列石寶文閣序云十二月戊申紀云丙申乘暇日延群臣觀三聖神翰于龍天章閣玩心文明藻思濬發遂賦觀書之詩又幸寶文閣親為飛白書使左右縱觀驚鸞翥鳳與夫煙雲布濩之象莫不回薄于筆下盖天縱之能世莫得以曾闕也因分賜從臣臣琦等二十八人賡宸唱以進云云壬子紀云庚子再召觀方國頃所上瑞物其木

石皆有文又陳先朝述作之文復燕羣玉殿出禁中

肴醴芳花異香瑰奇未見之物

一云庚子再會天章閣觀瑞物復宴羣玉

賜禁中花金盤香百藥

八年十二月乙亥英宗詔以仁宗御書藏

寶文閣命珪撰記立石治平三年九月丙辰幸天章

寶文閣命兩府觀珪所書仁宗御詩石刻召珪而授

端明學士

仁宗治蹟之懿與天地同功原其本以德為元氣然

後揭政令而日月之霈利澤而雨露之萃人材而淵

嶽之至其心術之妙形於筆墨則又星斗爛而雲漢

倬也今奎畫垂耀後世金石之刻惟飛白為多此非

獨天縱之能。蓋胷中之所經緯。筆下之所卷舒。見於治道。皆一理爾。觀宸札之運也。騁而安。迅而紆。婉而勁。揚之者若翔。抑之者若墜。放之欲周乎八極之表。斂之靡失於一毫之間。則凡所以綱紀庶務。幹旋至化。實乎此焉。見之。

嘉祐手札

七年八月丙子。上謂輔臣曰。皇姪少養于宮中。欲以為皇子。續有親書手札付外。是日降手令中書密院。翌日進呈。丁丑。召學士王珪。草詔頒天下。戊寅。珪對。崇政殿。上諭曰。決自朕懷。己卯。詔曰。立愛之道。自

親者始其以為皇子

皇祐中。僧懷璉召對。化成殿。親書頌詩。賜之。凡十有七篇。璉建閣曰宸奎。載銘曰。咨示東南。南山君海。王時節來朝。以謹其藏。嘉祐中。英宗龍潛藩邸。賜記室周秉手書。蘇軾為頌曰。雲漢之章。融為甘露。結為慶雲。融而不晞。結而不散。以燾冒其子孫。

治平孝嚴殿御篆

治平元年十二月九日己亥。英宗召輔臣觀御篆。孝嚴殿額于迎陽門。殿在景靈宮西南遂御延和殿。賜茶。二年四月丙午。奉安仁宗御容。親酌獻。御篆賈昌朝碑。

監生吳邦榮
曰大儒元老之碑

治平賜韓琦手札

四年十一月丙戌日命韓琦判未與兼陝府西路經畧安撫使賜手札趣令治裝并封示蔡挺李肅之所奏事故事節度使辭賜窄衣束帶甲馬上以琦再世宰輔位處三公特賜對衣笏頭帶鞍轡馬仍令常服引對熙寧元年十二月手詔賜琦曰大名爲天下喉襟欲除卿乙丑琦判大名復降手詔聽便宜從事沈括帥鄜延承密詔至二百七十三道胡宿有召赴天章寶文閣賜御書飛白扇詩珍幽開

二典聖藻煥重離白鳳隨毫舉蒼龍應墨奇
四民安康字賜司馬光
御書

熙寧書英德殿

元年十月二十二日召輔臣觀御書英德殿牌于迎陽門元豐五年九月二十七日御崇政殿召輔臣觀景靈宮御書十一殿榜

元祐書唐人詩

二年九月十五日講論語終篇賜宰臣執政經筵官宴于東宮上親書唐人詩分賜之五年九月二十一日壬午御邇英閣召講讀官講書讀寶訓賜御書

詩一首上親書姓名於後
蘇軾得唐人紫薇花詩
一篇至有驪珠三十四
一日傳萬口之語

元祐神宗御筆

六年十月四日三省進神宗御筆七十五策

陳師道詩睿思殿裏春夜半自書細字咎邊臣萬里風煙入長筭

政和書五禮序 大成殿

元年三月一日議禮局請以御書政和新修五禮序
摹勒立石於大常寺從之五年十月二十九日御書
摘文堂榜賜學士院以學士強淵明遷承旨止為增

御書目

廣直廬書榜寵之七年國子監辟廳御書大成殿榜

宣和四年三月五日辛秘書省宣示御書千文十體書洛神賦行草近詩

建炎書通鑑

書坐右屏

詳見後

書郭

子儀傳

詳見賜書

建炎二年九月十七日戊戌上書資治通鑑第四冊
賜黃潛善已亥宰臣謝上曰近將語孟治道處手寫入於絹屏又曰語孟誦習之熟真可喜

聖政六子孟子論治道

處二十一日癸卯內出親書坐右素屏旅葵一篇大有大蓄二卦與孟子之言七十扇遣中使宣示宰

執四年八月戊寅上手寫郭子儀傳付范宗尹示諸將韓世忠等 三年七月癸未書忠勇字表韓世忠旂幟 紹興二年表岳飛旗曰精忠

紹興書趙克國傳 寫孝經詩書篇章

元年十月書趙克國傳賜呂頤浩以下宰臣乞以墨本賜中外 二年八月十六日癸卯上出所寫孝經詩書篇章宣示宰執上曰朕詹仰古聖王之治以為規戒 六年六月丁巳論管田上曰昨在會稽嘗寫趙克國傳賜諸將

紹興書光武紀

御書

二年十二月丁酉諫議大夫徐俯入對俯嘗勸帝熟讀漢光武紀上書以賜之曰朕思讀之十過未若書一徧之為愈先以一卷賜卿欲知朕不廢卿言耳

紹興賜吳玠親筆

四年四月庚辰朔制授玠定國節川陝宣副上賜以所御戰袍器甲且賜親筆曰朕恨阻遠不得拊卿之背也

紹興書無逸圖

見圖類

紹興書尚書 中庸篇

五年九月二十日真寅賜趙鼎御書尚書一部翌日鼎奏謝上曰尚書所載君臣相戒敕之言所以賜卿欲共由此道以成治功九月己丑賜新及第王應辰以下御書石刻中庸篇廷試畢賜御書自此始一云十月賜之十月五日御書中庸賜秦檜書義之樂毅論賜韓侂胄

紹興賜親筆詔書

五年七月壬午賜觀文大學士李綱親筆詔書獎大諭綱應詔陳三策又上六條故有是賜

紹興書車攻詩、羊祜傳 真草孝經

五年十月三日壬寅書車攻詩賜宰臣趙鼎等翌日癸卯宣諭曰朕觀鴻鴈車攻乃宣王中興之詩當與卿等夙夜勉勵脩政事攘夷狄鼎曰陛下游戲翰墨之間亦不忘恢復臣等敢不自勉謝表曰宵雅肄三帝書第一漢武以出車之詠獎衛青七年九月戊寅二十日賜御書秦檜羊祜傳沈與求車攻詩呂頤浩樂毅論向子誼孝經蘭亭記二十六日樞密使秦檜言乞以賜臣御書羊祜列傳付有司刊石以墨本頒宰執大將侍從從之九年六月辛丑書孝經賜秦檜十三日庚戌一云辛酉秦檜乞以上所賜御書真草孝經刻之金石

監生
以翼扶世教上曰十八章乃聖人精微之學從之
十三年頒御書孝經周官中庸羊祐傳于天下州學

十四年七月辛未詔諸州以御書孝經刊石

紹興書周易否泰卦 詳見易類 書裴度

傳

五年十月庚戌右相張浚入見上親書周易否泰卦
賜之六年二月浚視師御書裴度傳賜之

紹興書裴度傳

六年賜右相張浚 是歲又書鄉林二字賜兩浙漕

向子諲

御書

紹興書大成殿榜

六年十一月壬辰上書大成殿榜賜成都府學用教
授范仲父請也學殿建于東漢之初平漢人以大隸
記修築歲月刻于東楹至今九百四十三年天下棟
宇之古無過于此

高宗皇帝雲章奎畫昭回于天爰自飛龍之初頗喜
黃庭堅體格後又采采芾已而皆置不用顯意義戲
父子手追心慕不數年直與之齊驅並轡 紹興
五年八月癸亥策士御書策問

紹興書蘭亭叙

七年十二月十一日諭輔臣曰劉光世喜書前日來乞朕所臨蘭亭叙亦以一本賜之因論書法甚詳遂及法帖曰其間甚有可議如古帝王帖中有漢章帝千文千文是梁周興嗣所作何緣章帝書之舉此一事其它可知豈不誤後學者

高宗大書忠正德文賜趙鼎 紹興中臨王羲之所書樂毅論賜樞臣韓侂胄 周必大貳大政入謝德壽殿御賜書千文

紹興天章寺書

九年二月十二日詔紹興府天章寺寺即蘭祖宗御

書今守臣取進先是建炎四年巡幸江浙御書凡五百五十卷軸悉留于越至是詔取焉

紹興祕閣右文殿書

堯閣類

紹興御書玉册

十年御書太后玉册上曰學書必以鍾王爲法然後出入變化自成一家十二月十二日行册禮

紹興書左氏史記 御書石經

十三年二月內出御書左氏春秋及史記列傳於祕書省宣示館職觀畢皆作詩以進是年六月內出御

書周易九月四日御書尚書終篇刊石放諸州學十

一月丁卯宣示從臣聖政十三年十一月丙辰宰臣奏昨日付出御書尚書字法高

古十四年正月出御書尚書十月出御書毛詩十六

年五月又出御書春秋左傳皆祕省宣示館職觀畢

進詩上又書論語孟子皆刊石立于太學首善閣及

大成殿後三禮堂之廊廡

紹興書宣聖殿榜王册 親札詔書唐文

皇帖

十三年七月賜御書宣聖殿及門榜並曰大成六年賜成

都學御書大成殿額御書閣曰首善癸未奉安文宣王二十六

御書

一册十一月十一日與寬恤詔令同進

嘉定祕閣御製御札目錄

祕閣藏御製御札六百七軸三十五册五道續藏六

百五十二軸十一册掛屏扇面九十有九嘉定三年

編次為目錄藏之後張守孫拭上高宗御札二幅十

月附于目錄後 嘉泰元年御書書之說命易之泰

詩之天保以賜輔臣

慶元進太上皇帝領尹判押案牘又見上

二年十一月十五日上詣壽康宮恭進聖安壽仁太

上皇帝領尹御筆判押案牘共七十一卷 禮存謙

下晉嘗紀於批牋事美英明漢亦崇於辨牘龍筋絢藻鳳尾摛華倬雲漢之為章比春秋之決事景祐三年二月甲子命崇政殿說書賈昌朝王宗道同編次太宗尹京日押字時范仲淹權知開封府上太宗所判案牘故命編次四年十一月成書凡七百一十卷

端平御書張九齡進金鏡事

二年正月丙辰賜學士真德秀先是德秀論致壽之道五無逸親賢以孝奉先仁有德則壽

淳祐御書大學三銘

御書

曰扇出尚方寶墨未乾天縱墨妙宛若龍鸞壁月煌煌光燭蔀室子孫視之稽古之力

紹興書儒行 大學 臯陶謨 學記

經解等篇 賜進士

五年 乙卯 九月賜汪應辰以下御書石刻中庸篇廷

試畢賜御書自此始 又見前 十二年 壬戌 賜陳誠之周

官十八年 戊辰 六月三日御書儒行篇賜進士王佐

等二十一年 辛未 五月賜趙達等大學二十四年 甲

戌賜張孝祥等臯陶謨 十七年 丁丑 賜王十朋等

學記二十年 庚辰 四月賜梁克家等經解篇皆就聞

王海卷三十四
三百〇四
喜宴日賜之舉故事也

紹興淳熙御書明堂

見後

紹興十二年十二月庚辰上曰朕一無所好惟閱書作字自然無勸尚書史記孟子俱寫畢尚書寫兩過左傳亦節一本

高宗斷齋立極息馬論道緝熙光明之學追媿三五倬彼雲漢敷賁石經龍畫螺書旁分徧刻大關造化細及庶務垂則于億萬世

隆興御書詩

隆興元年十月十四日詔金山寺御製御書詩刊石進碑本從浙漕朱夏卿請也九年四月二十八日書荔枝賦賜閣門舍人張延年

隆興書聖主得賢臣頌

元年十二月二十二日拜張浚左僕射都督如故禮貌甚隆書此以賜孝宗初政御書王褒聖主得賢臣頌李德裕英傑論賜史浩

乾道書閣榜

乾道元年二月三日書風雲慶會之閣賜楊存中淳熙十一年四月九日書明良慶會之閣賜史浩建閣

奉兩朝所賜御書

理宗御書輔德明謨之閣賜鄭

清之懋德大勳之閣賜賈似道

乾道跋太上御書

元年十二月劉堯仁進父光世紹興間太上皇帝臨

寫王羲之蘭亭脩禊序紹興七年十月賜光世御製跋三年三

月十四日御跋太上皇帝御書聖主得賢臣頌賜宰

臣虞允文淳熙八年八月八日御筆賜王希呂等

宜盡忠極言

乾道選德殿親札

七年十二月辛酉詔僕射之名不正欲採周漢舊制

相明年

八年

二月

己巳

降詔

八日宣

入選德殿上袖山親札云先來一二大

政夙夜匪懈漸革苟且之風以副綜覈之

文可特進左丞相梁克家可正奉大夫右丞

前設小案用牙尺壓紙一幅傍有漆匣歛研

真筆墨於玉格必大書除日進呈自復道秉燭鎖院

七年二月七日壬子御選德殿以立皇太子御

宣示大臣允文等奏元良天下大本陛下獨出睿斷

為天下得人各再拜賀癸丑宣詔出麻制丁酉受冊

淳熙十四年十一月己亥手詔皇太子可令參決庶

務十五年陳康伯家以紹興傳位親札來上十二月
壬申遣中使密持賜宰臣必大

乾道書政論

六年八月二十八日孝宗御書漢議郎崔寔政

論賜宰臣虞允文等允文書于下方曰寔所謂師五

帝式三王奔苟全之政蹈稽古之蹤此聖學之所緝

熙特發獎之佐伊呂之輔未如卒章所云臣所甚懼

也惟陛下選建其人極于三五之隆

乾道御書詩 草書

七年正月八日御書郭起秋山詩

克家長當藏書太上真書又賜克家御草書

一執二月御書孫緯天台賦賜夏執中 虞允文

見石學上階陛下草聖筆力天縱有風動之狀

乾道跋太上真行草書 淳熙宣示宸翰

乾道七年 辛卯春以太上皇帝真行草書十卷示宰

臣 宋王高唐真傳象無賦陸機文賦 魏康琴賦曹植

洛神賦王粲登樓賦史記故事段陳羽古意詩蘇軾

養生論周興嗣千字文 三月二日御跋曰竊惟書法

自東漢迄晉唐代有名家然莫不相述鍾張憲章羲

獻而各得一偏未有超軼拔乎其萃者光堯皇帝高
蹈羲皇之上游戲翰墨之間初若無意而筆力所到
自得之妙集乎大成如春雲行空千狀萬態固知天
縱之能心與神會非衆庶曲學之所可及也淳熙二
年三月四日葉衡奏謝宣示太上宸翰十軸令臣閱
畢可飲卮酒以慶榮遇仍宣示執政侍從臺諫以其
言付祕省臣欲置酒都省與執政而下侈非常之賜
參政臣茂良等奏此歲在御府群臣無繇見者上曰
太上於翰墨間蓋是天縱非學力所到鍾王輩不足
道豈可拜謝乞勒石率與觀臣僚奉表稱謝從之上

曰當以表轉于德壽宮 十一年四月二十四日以
光堯宸翰洛神賦雪賦驄馬行千文臨獻之帖五軸
賜史浩

紹興十二年十一月十五日貴妃吳氏題御書云機
政之暇擇鍾王而下三十帖親御毫素並加臨寫龍
蟠鳳翥變態萬象希世之偉蹟也 高宗翰墨志曰
自晉魏以來至六朝筆法無不臨摹

乾道書益稷篇 淳熙書旅獒 賜進士

八年 壬辰 四月己未 賜進士黃定等御書益稷
篇先是二十日宣示輔臣梁克家奏益稷首載治水

播食事未載君臣更相訓敕之意學者因宸翰味經旨必知古人用心矣上曰如無若丹朱傲等語見古者君臣警戒之深又曰聖人待天下之人先之以教及不格則以刑威之 淳熙五年 戊戌 四月二十四日御書旅獒篇賜進士姚穎等

乾道欽宗御書 三朝御書

七年九月二十一日吳敏孫楠進一百軸十月二十二日劉愈進二軸八年七月十二日毛奎孫勸進十軸毛勒進一百軸九年二月二日陳過庭孫述進十軸張伯成進詔旨一軸程邵進御筆八十八軸及

御書

東宮書詩賦各一軸 並欽宗伯成又進三朝御書十

三軸 深曾孫

大觀四年六月乙亥張商英為右僕射久旱是夕大雨彗亦不見上親書商霖一尺字賜之

乾道書魏證語

七年 辛卯 八月六日戊申上召吏部侍郎王之奇詹事陳良翰禮部侍郎周必大同對選德殿賜坐從容訪以治道久之袖出御筆一通首以魏證答唐太宗德仁功利之問而繼書其後曰朕即位十年功則未能有成至於安養黎元俾遂生業正今日急務卿各

臨生
極陳其當否若夫仁德帝王之高致朕亦不敢自居
方以魏證之言為龜鑑耳之竒等退詣政事堂以所
被御筆示宰執丙辰後殿奏事上以問大臣右相虞
允文奏四者當兼修並用然德仁之責在已功利之
責在人不可不察於是良翰等皆奏疏庚申上復以
三從官奏牘示輔臣允文復奏今日之務莫急於論
相云云

淳熙書七德舞

又見殿類

御書扇

元年五月一日書唐元稹牡丹詩扇賜吳琚六月一
日書劉禹錫詩賜張子仁五年五月十五日書楊傑

二軒記賜子仁十一月二十五日書白居易七德舞
賜翰林學士周必大六年五月十五日御書梅詩賜
步帥岳建壽御書扇賜殿帥郭棣

淳熙太上皇帝御書

三年九月十五日太上書白居易大巧若拙賦賜夏
執中五年三月七日太上書陸機文賦及團扇等賜
工部侍郎趙磻老四月一日又賜王元之待漏院記
并御書扇

淳熙書杜牧戰論

賜皇太子詩

三年十一月一日御書杜牧戰論賜皇太子又御書

詩賜皇太子嗣濮王士鞅來陽郡王居廣各一軸

六年五月一日書蘇轍北狄論并御書扇賜工部侍

郎吳淵御書二十八將傳論賜蕭燧

淳熙製秋雨詩

四年八月四日東宮講畢袖出御製新秋雨過書懷

詩一篇六日又蒙送示和章詞翰雙絕周必大集

淳熙書舊學

五年四月書舊學二字賜史浩十四年再賜史浩以

舊學字

淳熙摹祕閣累朝御書

御書日

八年二月二十四日詔祕書省奉祕閣所藏累

朝御書刊石從少監趙汝愚之請也凡御書法帖十

卷五十六段十一年七月少監沈揆等進呈并以飛

白祕閣字及贊序刻石十二年三月以名賢墨蹟摹

刻十三年七月畢十三年四月二日朱震之孫繼

先進所賜兩朝宸翰十月二日學士洪邁進欽宗宸

翰石刻付史館十四年八月趙子崧之孫進太上

賜書十五年五月王似之子進太上獎諭宸翰石

刻一冊十月陳康伯之孫進高宗所賜詔書十六

年正月書歐陽脩琅琊山詩三首賜吳瑛

溥熙書蘇軾蘇轍詩

七年十二月十五日書蘇軾潘龍寺詩賜步帥岳建
壽十七日書軾和雪詩賜殿帥郭棨八年閏月既望
以御書蘇軾四詩賜范成大十五年十二月又賜損
齋所言蘇轍詩二軸是月辛卯書石湖二字賜成大
成大跋云天縱聖能游藝起絕典則高古知伏羲畫
體勢奇逸如神禹碑又跋云跳龍卧虎之勢漏屋畫
沙之迹皆神動天隨物移無間譬猶叶氣網緼蒸為
雲漢輝光所履自成文章朴復世間筆墨畦逕所能
擬議八書寫處二字賜洪邁

二十六年三月二十六日

書三都賦序賜工部尚書知臨安王佐

淳熙書詩賦 製春晝詩

十二年九月癸巳洪邁直禁林賜宸翰唐白居易詩
二首十三年三月乙未復召對賜之酒殺出御製春
晝即事絕句并以所書蘇軾一詩為寵越九日甲辰
邁進詩四月辛亥天筆俯和十四年四月乙亥邁召
對清華於御榻之右取宸翰宋鮑照舞鶴賦一軸賜

邁又謂雲漢昭回之妙得之自然神摹心造自古帝王
名能書者所不能窺測萬分之一字之出人間秘以為

寶一章之傳天下誦以為訓孝宗筆法之妙明堂嚴宗
祀之恭經閣崇奎章之奉賜書楮進士之訓詩篇後臣工
之榮鉤珥昭十四年會慶節書心經於禁中觀堂

嘉靖乙卯年

淳熙御筆掌記

上勤勞萬機每臨朝以方寸紙作掌記微偃兩旁而中摺之實在御手若內殿則留香案上三省密院各奏事畢即視所記一一宣諭已乃收之率以為常淳熙十一年八月七日後殿坐親以此紙授樞臣周必大盖陳有功顯大舉趙善誦三人姓名玉音云此是去年臣僚薦可奉使接送伴副使者卿選擇誰可

慶元光宗御筆

二年五月十一日詔詳定官許及之編次太上領尹日御筆為七十一冊總目一冊御筆六十五軸兵籍

御書

年閏十月二十七日書玉牒殿并殿門及祖宗屬籍堂勝二十九年七月二十四日乙巳右僕射湯思退等言恭親六月十四日丁酉戒諭崇清白止賂遺詔書親札雲章奎畫超古冠心上曰朕少留意翰墨至今不倦在唐惟太宗好二王書士大夫翕然相尚如歐虞褚薛皆有可觀朕有舊藏文皇數帖其間有好謙自牧上畏天下畏群臣等語不惟字畫可喜其用心可為後世矜式愚退請以御書刻石繫年錄云乞以墨本頒中外臣僚復出入觀省詔可上親書戒駭以

禁賂遺二詔
立石尚書省

紹興書乾卦 御書玉堂

十四年六月十四日上書乾卦賜龍圖學士秦梓
三十年五月辛巳上以玉堂二字親灑宸翰賜翰苑
周麟之請依淳化故事就都堂宣示宰執刻石分賜
館閣官詔可俟中祕暴書俾侍從館閣官咸得觀仰
仍以石本分賜

紹興宸翰扇

元年四月九日上親書扇賜講讀官王絢胡直孺汪
藻胡交修等皆寫杜詩十四年七月二十七日以宸
翰扇賜秘書少監游操 孫覲為直孺作御書扇銘

元年讀仁皇訓典終篇親御奎章以記禮大學張載
西銘呂大臨克己銘程顥顏樂亭銘分賜輔臣 西
銘明理一而分殊推親親之厚以大無我之公因事
親之誠以明事天之道推人以知天即近以明遠

晏殊飛白書賦

昔在軒后旁羅俊英乃有蒼胡思周神明下侔羽族
之迹上法奎園之精始造古文播於寰瀛爰及東漢
紀年熹平其臣蔡邕譽聞帝庭矚鴻都之歲役掃聖
帚而字成寓物增華窮幽洞靈肇以一體用飛白而
為名飾宮闕之題署助聖賢之藝能厥後累朝之臣

習此奇蹟代百名系存乎簡籍然猶獻之白而不飛
子雲飛而不白伊唐二葉迨及高宗咸所留意亦云
盡工分賜宰弼漢揚古風若乃宮硯沈碧山鑿泛清
恣冲襟之悅穆拂神翰以縱橫空濛蟬翼之狀宛轉
蚪騁之形瀾皎月而霞薄颺珍林而霧輕曳彩綃兮
泉宮之府列織編兮夏王之庭仙風助其縹眳辰象
供其粹凝信一人之妙用非末學之能稱而况取象
八分蹟研小篆玉潔冰潤龍驤虎變合心手以冥運

扇賦驚思三雲灑迴春之藻翰成變楷之奇文婉繞
無方輕濃有制該筆苑之道潤集書林之妍媚標王
字於日中湛金波於月際六藝之逸品在昔正觀之
隆文皇念功時則有無忌師道沐鸞蚪之班詔咸亨
以還高宗禮賢時則有至德處俊荷機翼之垂訓亦
有攀車受貺登牀被恩一言蒙魯衮之厚八體著義
圖之則五明在手于以見虞帝達聰之勤四座生風
于以彰武王救暘之德御飛白書記日新盛德天
縱多藝師心獨運冠世研精萬象奔馳於筆端三辰
奮湧於毫末翩然而鸞皇飛翥蜿然而虬龍蟠躍聖

域之雄觀書林之具美一字可以逾華袞羣臣莫能望清光摛染所及洪纖畢該宇宙入於胸懷風雲出乎掌握造化協其隱顯陰陽順其卷舒發虛無之蘊而森爲衆形收雷霆之動而歸於精象非元聖之獨智孰能預於此乎

歐陽脩御飛白記雲章爛然輝映日月爲之正冠肅容再拜而後敢仰視蓋仁宗之御飛白也仁宗之德澤涵濡於萬物者四十餘年雖田夫野老之無知猶能悲歌於隴畝之間而况儒臣學士得望清光蒙恩寵登金門而上玉堂者乎夫玉韞石而珠藏淵其光

御書

氣常見於外也故山輝如白虹水變而五色者至寶之所在也今賜書之藏於室吾知將有望氣者言榮光起而屬天者必賜書之所在也蘇軾飛白御書記抱烏號之弓不若藏此筆寶曲阜之履不若傳此書考追蠡以論音聲不若推點畫而究觀所用之意存昌歎以追嗜好不若因褒貶而想其所與之人或藏於名山或流於四方凡見此者皆當聳然而作如望旄頭之塵聽屬車之音相與勉爲忠厚而耻爲浮薄或由此也夫

倬彼昊天、日月星辰麗焉、堯之文也、域彼四海、江河淮漢、別焉、禹之畫也、叙聖文、神翰而不以經天、緯地言之、何足以形容其大哉、倬彼雲漢、為章于天、言天子為法於天下也、追琢其章、金玉其相、言萬民觀而樂之也、經乾緯坤者、典學之全功、出聖入神者、游藝之餘事、神動天隨、超絕衆妙、日行于天、委照萬物之上、光氣所及、或流為慶雲、結為丹砂、初豈有意哉、天縱之能、溢于筆墨、月壁星珠、瑤札飛文、玉蟾膚寸、墨花泮渙、秋毫精勁、霜素凝鮮、奎躔婉其鈎曲、珠斗煥乎闌干、河洛開奧、神墨

靈式

大元經戴神墨履靈式

揮毫舉鳳拂素騰龍

寶題雲

蔚翠軸蚪蟠

袖有驪珠

東壁華星榮河綠字

農禾八穗漢札十行

王府神毫珠躔瑞采

天文

景鏢壁合珠連聖札雲迴鸞驚鳳集

鳳藻鸞蹤

帝澤溫潤雨露下國

銀鈎錦帕

太一下觀百靈

潛衛龍騰鳳掣出入造化躡繇轆義前無千古

天葩脣藻三二曜六五緯

糝糠倉史奴僕鍾王

金盞霏潤瑤管春容

轆轄三光陶鎔帝皇

非煙

祥風緣飾萬物

取諸造物之鑪錘盡用文章之斧斤

昭章雲漢暉麗日月并包書林聖風雲靡英華

沉深洋溢八區 墨妙筆精鸞飄鳳泊元氣淋漓不
 擇地而施 英雲明露膏耀管茅堯醲舜薰憂切韶
 獲 參乾兩離 瓊章寶字婉墳襲經日星昭回被
 物成飾 銜帝鴻之墨海挾漢宮之寶跡 穗書綠
 字入神出天 金壺琳鈕娛游翰墨 璇跗犀植
 奎鈎奮芒河龍獻勢 斟酌元化秋毫膚寸 得心
 應手渾然天成 八文六義陰藏陽覩 龍跣龜負
 與奎壁日月激衝光明湯盤禹鼎之字方之陋矣
 天摹神畫不落彫斲 鸞鳳騫翔而變態煙雲舒卷
 以呈姿 秦峯之篆頡篇之楷倒薤之妙拂素之工

研精書林垂思藝圃

奮辭擣藻星漢昭回題毫

拂素龍鸞點絢 璧月珠星扁榜我我 天蹤聖能

輔以學力既已系隆五三六經之傳清明在躬精義

入神道腴德輝形於心畫混融天設八法自具妙用

所潛勢逾萬鈞日光雲章垂耀縑素 吉雲玉露下

燭丘壑 游藝致精遂輟書聖原於道德故氣象深

厚發於英華故筆勢超絕 舞鳳翔鸞怒猊渴驥天

球弘璧不足以喻其寶大呂黃鍾不足以喻其雅

綜以造化之機軸斲以陰陽之斧斤濯以江漢之濤

瀾 聰明淵懿藝與道兼肆筆成書八法該備 如

大明委照卿霽騰輝 侈億萬年琬琰之傳 日珥
 爛乎家楹星鈎洒於毫端 龍文龜畫刊在翠琰
 光氣昭倬發部燭幽 包羅五經之郭游神六藝之
 圃一言之出四方式以為典一字之傳萬世寶以為
 訓 雲漢動而日星垂也 榮光溢河寶氣騰池
 五雲擁笥鳳翥龍騰 前世所謂畫起平雲點蹲芒
 王者不足以進於此 金壺貯墨 鮫人織冰宮工
 裁雪彌綸寶筴泛洒神毫紛如薄霧翳靈芝淡若輕
 雲拂初日 飛白 鈿軸窈冥函龜趺嶠首執協龍鸞光
 出星斗 琬琰騰華奎壁奮芒 蔭之華懷被之豐

御書

珉 翔筆伸楮 天垂日皎勒諸豐珉 有星而景
 有雲而卿其光下垂遇物流形 鸞鶴飛動星辰光
 華 字裏金生竹間玉潤 勒諸琬琰貽諸載億與
 日月雲漢同垂無極 心畫發舒 帝中第一夫何
 足言 羲圖頡迹 如龍行天或遊或飛 草書 金
 鈎見象綠字成圖 璧合珠連鸞驚鳳集 竒縱絕
 俗美態入神 編之玉軸勒以銀繩 錦帙金牋霞
 明日照 口雖未言聲疾雷震今雖未出化馳如神
 心有所懷感動千里 壺墨彩毫 芸香却壺芝髓
 為封珍寶之精下燭西崑之岫文章之氣上躔東壁

之象可謂天下之妙迹域中之奇觀 羲畫垂文奎
 鈎賁采 聖藻裁篇首登歌於寶鼎宸毫結字復瀆
 墨於金壺 垂光日月動色雲煙 模於琰刻奮以
 璠稜 上昭三光下飾萬物 鳳翥龍盤經緯河洛
 星鈎日珥闡握乾坤 天光焜煌慶雲葩郁如在上
 帝群王之府如游太微三光之庭 昭回之光照映
 天地婉結之妙經麗辰星

玉海卷第三十四終

